

**SƆWƆ kɔŋbanɲa ŋa Pɔli wɪla
torogo
TESALONIKI
ca tagafenne pe yeri
SƆWƆ wɪ nawa sɛnrɛ**

Tesaloniki ca kila pye Maseduwani tara ti cagbɔɔ ko ka. Siliven ŋa paa pye na yinri fun Silasi wo naa Timote poro paa Pɔli wi saga ma legilizi wa tɛɛ wa Tesaloniki ca. Pɔli wi sila wagati legere pye wa ki ca ki ni, katugu Zhufuye paa pye naa yɛɛ kɔɔn (Kapye 17.1-8). A wɪ si kaa yiri wa Maseduwani tara ma kari wa Akayi tara. Ɛɛn fɔ naa wɪla yiri wa Maseduwani tara, a wɪ si Timote wi tun wa Tesaloniki ma yo wi sa tagafenne pe kɔn wi wele, na kaa pye pee je tagawa pi na jɔlɔɔ ki kala na. Naa Timote wɪla kaa yiri wa ma sɔngɔɔ ma pan ma sentanra yo Pɔli wi kan, a wi nawa pɪ si yinŋi wi na, a wɪ sigi sɛwɛ ŋa wi pye maa torogo pe kan.

Wa sɛwɛ wi ni, Pɔli wɪ Yɛnɲɛle li shari mali kajɛŋɛ pyege ki jɛn li na, mɛɛ tagafenne pe kotogo kan pe na ma yo pe bala pe yeresaga ta wa tagawa pi ni paa kee yɛɛ.

Wa sɛwɛ wi go (1-3) laga ki ni, Pɔli wi yɛn na tagafenne pe nawa tuun paa yɛɛ ŋa na wɪla tunŋo pye wa pe sɔɔwɔ. Wi nawa pɪla pye ma yinŋi wi na, katugu ali mbege ta paa pye na tagafenne pe jɔlɔ, paa koro ma yere jɛŋɛ wa tagawa pi ni. Wɪla pye na jaa mbe pe yan naa.

Wa sɛwɛ wi go (4.1-12) laga ki ni, nagawa mba pi yɛn na para tangalɔmɔ tiyɔɔn pi wogo na konaa mbɔɔn yɛɛ yingiwɛ jɛn kalikalawa pi ni pi wogo na, Pɔli wi yɛn na tagafɛnnɛ pe nawa tuun ki wogo ki ni naga yuun naga ɲgbanni pe ni.

Wa sɛwɛ wi go (4.13-5.11) laga ki ni, Pɔli wi yɛn na para we Fɔ Zhezu Kirisi wi panga ki wogo na.

Wa sɛwɛ wi kɔsaga yeri, Pɔli wi yɛn na yɛrɛwɛ kaan tagafɛnnɛ pe yeri konaa na duwaw piin pe kan.

Sɛwɛ wi yɛn ma kɔɔnlɔ yɛgɛ ɲga na

Sharaga ɲga Pɔli wɪla kan Yɛɲɲɛle li yeri

Tesaloniki ca tagafɛnnɛ pe wogo na *1.1-10*

Pɔli wi tunɲgo mboo ta pitunɲɔ, naa sharaga

konaa yɛnrɛwɛ tagafɛnnɛ pe kan *2.1-3.13*

Yɛrɛwɛ tangalɔmɔ jɛmbɛ wogo na *4.1-12*

We Fɔ Zhezu wi panga kala *4.13-5.11*

Yɛrɛwɛ puɲgo woo, naa sharaga puɲgo wogo konaa duwaw sɛnrɛ *5.12-28*

*Pɔli wɪla sɛwɛ wi torogo leele
mbele yeri pe sharaga ye*

¹ Mi Pɔli, naa Siliven konaa Timote, woro wɛgɛ sɛwɛ ɲa wi pye maa torogo yoro Tesaloniki ca legilizi woolo[†] ye kan. Yoro mbele yɛ pye we To Yɛɲɲɛle lo naa we Fɔ Zhezu Kirisi pe woolo we. Yɛɲɲɛle sa yinmɛ naa yeyinɲge kan ye yeri!

*Tesaloniki ca tagafɛnnɛ
pe tangalɔmɔ naa pe tagawa kala*

[†] **1:1 1.1:** Kapye 17.1-9

² We maa Yen̄jele li shari sanga pyew ye ni fuun ye kala na, na yenri ye kan suyi.

³ We maa nawa tuun sanga pyew kagala n̄gele ye maa piin wa ye tagawa pi ni ke na we To Yen̄jele li yege na, naa ye ndanlawa pi maa tunngo nga piin, konaa jigi jen̄je na ye taga we Fɔ Zhezu Kirisi wi na we.

⁴ Sefenne, w̄ge jen ma yo ye yen ma Yen̄jele li ndanla, a li ye wɔ ye pye li woolo,

⁵ katugu naa w̄a Sentanra ti yari ma ye kan, we sila ti yari senyoro to ce ni. Eɛn fɔ, w̄a ti yari fun yawa ni, naa Yin̄ekpoyi li fannga na, a w̄e taga jen̄ge ti kaselege ki na. Ye yonwɔ pi kala na, w̄a pye na tanri ye sɔgɔwɔ yege nga na, yoro jate yege jen.

⁶ Ye yen we fɔrɔgɔfenne ma pye we Fɔ wi fɔrɔgɔfenne fun; katugu ȳa yenle Yen̄jele senre ti na sanga na ni, p̄a ye jolo ti kala na fɔ jen̄ge. Konaa ki ni fuun, a ȳeri yigi nayinme ni, mba Yin̄ekpoyi li maa kaan we.

⁷ Kì pye ma, a ye pye leele yege nagafenne Maseduwani naa Akayi kindaye tagafenne pe ni fuun pe na.

⁸ We Fɔ wi Senre ti yari wa ye yeri ma filige, ki wogo kii pye wa Maseduwani naa Akayi kindaye poro ce ni. Eɛn fɔ, ye tagawa mba ye taga Yen̄jele li na p̄o senre yo lagapyew. Ki kala na, kii daga we para naa ko senre to na.

⁹ W̄a kari wa ye yeri, ȳa we yigi ma gbɔn yege nga na, leele pe ni fuun pe yen naga yuun, fɔ ye je yarisunndo ti na ma yenle Yen̄jele jenne na li yen yinwege wolo li na, mbaa tunngo piin li kan.

¹⁰ Yinḡo, li Pinambyo Zhezu Kirisi ḡa làa wi yen maa yirige wa kunwo pi ni, wo yaa singi wi yiri wa yenḡele na wi pan. Wo wi yaa we go sho Yenḡele li nangbanwa mba pila paan pi kee.

POLI WI TUNḡO MBOO TA PITUNḡO, NAA SHARAGA KONAA YEREWE

2

2-3

*Tunḡo ḡa Poli wila pye
wa Tesaloniki ca*

¹ Sefenne, yoro jate yèḡe jen ma yo karaga ḡa wàa kari wa ye yeri, ki sila yiri waga.

² Yèḡe jen fun ma yo pàa we tēḡele ma we jolo wa Filipi ca ḡben. Een fo, ko puḡo na, Yenḡele làa kotogo kan we yeri, a wèli Sentanra ti yo ye kan. Ali maga ta we mbenfenne pàa pye na wiin we ni ḡbanga o.

³ Yerewe senre nda wàa pye na yuun leele pe kan, puḡosaga sila pye wa ti ni, nakoma mbe pye senfaara, ti sila si pye fanlaga senre.

⁴ Een fo, ḡa Yenḡele li yen na jaa, ko waa yuun pilige pyew, katugu ligi wele maga yan fo ki yen ma yala li Sentanra ti telege we na. Ko kì ti we yen nari yuun. We woro na jaa we kala li leele poro ndanla. Een fo, waa jaa we kala li Yenḡele lo ndanla, lo li yen na we nawa kagala ke cancan na ke jenni.

⁵ Yèḡe jen jenḡe ma yo we sila pye na lefanlaga senre yuun sanga wa kpe ni. We senyoro ti sila

sigi naga mbe yo waa penjara jaa ye yeri larawa. Yennɛɛ li yen we sɛrɛ.

⁶ We sila pye na jaa lere mbe we gbɔɔ, nakoma yoro mbaa we gbogo, nakoma pele mbaa we gbogo.

⁷ Maga ta we yen Kirisi wi pitunmbolo, we mbaa ya cɛn ye go na. Ɛɛn fɔ, wàa pye wa ye sɔɔwɔ nandanwa coli, paa yegɛ nɔa na piile nɔ maa wi piile gbegele we.

⁸ Yè we ndanla jɛnɔ, fɔ yere Yennɛɛ li Sentanra to nunɔba ma wàa yere ki yerewe mbe kan ye yeri. Ɛɛn fɔ, wàa cɛn ki cɛnwɛ mbe ku ye kala na, paa ye kala li gbɔɔ we yeri ki kala na.

⁹ Sefɛnnɛ, ye yen na nawa tuun tunɔbanra nda wè pye wa ye sɔɔwɔ ma te ti na! Wàa pye na tunɔgo piin yɔnlɔ naa yembine, janɔgo lere ka ka we go kala li ɛ ye ni, Yennɛɛ li Sentanra nda waa yuun ye kan ti kala na.

¹⁰ Yoro tagafɛnnɛ wele, yoro naa Yennɛɛ li ni, ye yen we sɛrɛ, fɔ we tangalɔmɔ wa ye sɔɔwɔ, pila pye kpoyi, ma sin, ma pye jɛrɛgisaga fu.

¹¹ Yège jɛn naa fun ma yo wàa pye ye ni paa tofɔ ma pye wi piile ni we.

¹² Wàa ye yeri ma ye kotoɔro ti sogo ye na. Wàa ye yenri ma yo ye bala yaa tanri tangalɔmɔ jemɛ na Yennɛɛ li yegɛ na. Lo li ye yeri yeli wunluwɔ, naa li gbɔɔwɔ pi ta.

*Tesaloniki ca woolo
pàa yenle Yennɛɛ li Sentanra ti na*

¹³ We yen na Yennɛɛ li shari suyi kala la yegɛ na naa: Na wàa Yennɛɛ sɛnrɛ ti yo ma ye kan sanga nɔa ni, yàa ti logo, mari yigi Yennɛɛ sɛnrɛ.

Ye sila ti jate lere senre. Kaselege ko na, Yenɲele li senre tori jate. Ti yen na tunɲgo piin wa yoro tagafenne ye nawa.

¹⁴ Sefenne, Zhude tara legiliziye mbele pe yen Yenɲele li woolo, ma taga Zhezu Kirisi wi na, ye yen na tanri paa pe yen; katugu Zhufuye mbele pe wa, pè tagafenne pe jolo wa yege ɲga na, pa ye tara woolo pè ye jolo ma fun.

¹⁵ Ki Zhufuye poro wele paa we Fɔ Zhezu Kirisi wi gbo, naa Yenɲele yon senre yofenne pe ni. Poro wele pè we jolo we. Pe kala lii Yenɲele li ndanla, leele pe ni fuun pe yen ma pe mben.

¹⁶ Paa ki ɲgbanga mbe we yege kon, waga ka ta mbaa Yenɲele li senre nda ti maa showo pi kaan ti yari cengele sanɲgala ke kan. Maga le wa, kapere nda fuun pè pye, pè koro na ta tari ti na ma na kee. Een fɔ, punɲo na, a Yenɲele li nanɲbanwa pì kaa to pe na.

*Pɔli wila ki jate
sa Tesaloniki tagafenne pe shari*

¹⁷ Sefenne, woro wo na, maga le wè laga we ye na wagati jenri ni, we konli fa we ye yan yenle ni. Een fɔ, jatere wo na, we yen we ye ni. Ye la kì we yigi jenɲe, fɔ a wège ɲgbanga we fanɲga ki ni fuun ni ma yo we yaa kari wa ye yeri.

¹⁸ Waa pye naga jaa mbe songoro wa ye yeri. Mi Pɔli jate, miɲi ɲgbeli ɲgbelisaga shyen, een fɔ, Sotanla wila we yege kon.

¹⁹ Yinɲo, yoro nunɲba ye yen we jigi tagasaga, naa we nayinne kala, naa we cew taga tegere re we Fɔ Zhezu wi yege na, na wiga ka pan we.

²⁰ Kaselege, yoro ye yen we gbogowo po naa we nayinme pi go ye.

3

¹ Punngo na, wee ya mbege kun we yee ni mbaa ko singi. A we si yere ki yerewe mbe koro we ye wa Ateni ca,

² mee we sefo Timote wi tun wa ye yeri. Wi maa tunngo piin we ni ja Yennele li kan, na Kirisi wi Sentanra ti yari. Wdo tun wa ye yeri wi sa fannga le ye ni, wi kotogo kan ye yeri wa ye tagawa pi ni,

³ jango wa kpe ka kaa yee yaga yingo jolgo kuu jan. Yoro jate yege jen ma yo ko la kon ma tge faa fo we yaa ka jolo ma.

⁴ Sanga na ni we wa ye yeri, waa ki yo ye kan ma yo we yaa ka jolo. Koyi nga ki gbɔn we na yeen we. Yoro jate, ye si yen maga jen.

⁵ Ko ki ti mii ya cen mbege kun na yee ni, a mi si Timote wi tun wa ye yeri wi sa ye tagawa lomo pi jen. Mila pye na fye fo kiga ka pye Sotanla wi ye fanla ma ye punngo, we tunngo ki yiri waga.

*Nayinme senre
nda Timote wila songoro
ma saa yo Poli wi kan*

⁶ Yingo, Timote wi yiri wa ye yeri ma pan ma senjende yo ma we kan, ye tagawa po naa ye ndanlawa pi kanngolo. Wigi yo we kan ma yo ye yen na jatere piin we na pilige pyew ndanlawa ni, fo ye nee ki jaa mbe we yan jate paa yege nga na waa ki jaa mbe ye yan we.

⁷ Ki kala na, sefenne, mbe we ta wa we tere to naa we jologo ki ni fuun ki ni, we koto ro ti sogo we na ye tagawa pi kala na.

⁸ Naa ye taga jenge we Fo wi na, ki yinwege kan we yeri†.

⁹ Nayinme gbɔɔ mba we ta ye kala na Yenɲele li yege na, we se ya yeɛ mbe Yenɲele li shari jenge ki wogo ki na.

¹⁰ Yɔnɔ naa yembinɛ, we yen na Yenɲele li yenri jenge, fo li konɔ kan we yeri we ta we ye ye yan naa gbogoyi, nga ki la wa ye tagawa pi ni, wege taga wa wege yon fili.

*Poli wila yenri,
jango Tesaloniki tagafenne
pe tagawa pila kee yege*

¹¹ We To Yenɲele jate lo naa we Fo Zhezu wi ni, pe konɔ kan we yeri we ta we kari wa ye yeri!

¹² We Fo wi ti ndanlawa mba pi yen ye ye sogoɔ, ka mbaa tari pi na, konaa leele pe ni fuun pe ni. Pi sa pye paa yege nga na ye we ndanla we!

¹³ Kiga pye ma, wi yaa ye koto ro ti kan ye na, ye pye kpoyi, tegelesaga fu Yenɲele na li yen To li yege na, na we Fo Zhezu wiga ka pan, wo naa mbele pe pye wi woolo pe ni fuun pe ni we. Anmiina!

**YERWE KONAA KOTOGO
KANSENRE TAGAFENNE
PE YERI**

† 3:8 3:8: *Ki yinwege kan we yeri: Ko koro wo yen fo ki nayinme kan we yeri ma we kotogo ki sogo we na.*

4

4-5

Tangalɔmɔ mba pì Yenɲele li ndanla

¹ Koni, sefenne, ye daga mbaa tanri yege nga na ye kala lii Yenɲele li ndanla, wè ko naga ye na makɔ. Kaselege ko na, pa ye nɛɛ tanri ma. Eɛn fɔ yingɔ, we yen na ye yenri, na ye yeregi we Fɔ Zhezu wi mege ki na, fɔ ye ka taga ko na naa bere yaa kee yege.

² Nagawa senre nda wè yo ye kan ma yiri wa we Fɔ Zhezu wi yeri, yèri jɛn.

³ Nga Yenɲele li yen na jaa koyi nga fɔ: Ye pye kpoyi li yege na, ye yee yingiwɛ jɛn keɛnre lime pi ni.

⁴ Ye ni fuun nunɓa nunɓa ye daga mbe ye yee yingiwɛ jɛn, ki yigilɔmɔ pi pye kpoyi naa gbogɔwɔ ni.

⁵ Yaga ka ye yee yaga kalikalawa pi la mbe ye ta paa yege nga na cɛngele sanɲala woolo mbele pee Yenɲele jɛn pe maa ki piin we.

⁶ Lere kpe ka ka kapege pye wi lewee yenle wa na, nakoma mboo durumumboo li kala la kpe ni. Ki wogo wège yo ma ye kan makɔ, ma ye yeri ki na fɔ jɛnɲe. Mbele pe yen naga kagala cɛngele ke piin, we Fɔ wi yaa ka pe le jɔlɔɔ.

⁷ Katugu Yenɲele lii we yeri fyongɔ kala na. Eɛn fɔ, li we yeri we pye kpoyi.

⁸ Ki kala na, lere na fuun ka je ki nagawa senre ti na, wii je lere na. Eɛn fɔ, wì je Yenɲele lo na win. Lo na lili Yinnekpoyi li kan ye yeri fun we.

⁹ Ma tagafɔ yenle wɔɔn ndanla, lere si daga mbe sɛwe torogo ye yeri ko wogo ko na naa;

katugu Yennεε li ye fɔrɔɔ ki ni ma yo ye ye yeε ndanla.

¹⁰ Kaselege ko na, sefenne mbele fuun pe yen wa Maseduwani kinda wi ni fuun wi ni, pa ye neε tanri ma pe ni. Eεn fɔ, sefenne, we yen na ye yenri fɔ ye ka taga ko na naa bere yaa kee yeεε.

¹¹ Ye bala ye koro yeyinɲe na ye yeε ni, yoro jate yaa ye kagala ke yeεε woo ye ye. Yaa tunɲo piin ye keyen yi ni yaa ye yɔn suro ti taa, paa yeεε ɲga na wàa ki yo ye kan makɔ we.

¹² Kiga pye ma, ye tangalɔmɔ pi yaa pye mbe sin mbele pee taga Yennεε li na pe yeεε na. Kona, pa ye go kala li se koro lere kan naa.

We Fɔ Zhezu wi panga kala

¹³ Sefenne, waa jaa ye kaselege ki jεn mbele pè ku makɔ pe kanɲɔlɔ, jaɲgo ye nawa piga ka wɔ ye na paa leele mbele jigi tagasaga woro pe yeri pe yen.

¹⁴ Kì kaa pye wè taga ki na ma yo Zhezu wì ku ma yen ma yiri wa kunwɔ pi ni, wè taga ki na fun ma yo mbele fuun pè ku wa tagawa pi ni, Yennεε li yaa pe yen mbe pe pinle wi ni.

¹⁵ Ye wele! We yen naga wogo ɲga ki yuun na ye kaan ma yala we Fɔ wi nagawa senre to ni, fɔ na woro mbele ka koro yinwege na mbe sa gbɔn we Fɔ wi pansanga wi na, we se ka keli mbe saa fili mbele pè ku pe yeεε.

¹⁶ Leele pe yaa ka Yennεε li konɔ kanga magala li logo, naa meregeye to wi magala li ni, naa Yennεε mbanlaga magala li ni. Kona, we Fɔ jate wi yaa yiri wa yennεε na mbe pan. Mbele

pè ku wa tagawa pi ni Kirisi wi na, poro pe yaa keli mbe yèn.

¹⁷ Ko punḡo na, na woro mbele ka pye yinwege na, pe yaa ka we pinle mbe we le pe ni mbe kari we ni wa kambaara ti na we Fɔ wi filisaga wa tifeere ti ni. Kona, we yaa koro wa we Fɔ wi ni fɔ sanga pyew.

¹⁸ Ki kala na, yaa fanḡa nii ye yeɛ ni ki senre ti kala na.

5

¹ Sefenne, yee jori lere mbe sewe torogo ye kan ki kagala ke pyesanga naa ke pyewagati wi wogo na.

² Katugu yoro jate ye yèn maga jèn jènḡe ma yo we Fɔ wi panmbilige ki yaa ka pye kafonḡo paa yeḡe ḡa na yoo wi ma pan yembinε we.

³ Leele paga kaa yuun sanga ḡa ni fɔ: «Wè yeyinḡe ta, kapege woro wa», ko sanga wowi jɔlɔḡo ki yaa to pe na fyelεḡe na. Ki yaa ka pye paa yeḡe ḡa na kugbɔ fɔ selara ma kaa yiri wi ni we. Pe se ya pe yeɛ shɔ ko jɔlɔḡo ko ni fyew.

⁴ Eɛn fɔ, yoro wo na, sefenne, ye woro wa wɔwɔ pi ni, kii daga ki pilige ki ka pan ki ye fo paa yoo yèn;

⁵ katugu ye ni fuun ye yèn yanwa woolo naa sonlɔ woolo. We woro yembinε naa wɔwɔ woolo.

⁶ Ki kala na, wee daga mbaa wɔnlɔ paa leelee sanmbala pe yèn. Eɛn fɔ, we koro yɛnmbelε, we we yeɛ yingiwε jèn.

⁷ Mbele pe maa wɔnlɔ, pe maa wɔnlɔ yembinε. Mbele pe maa sinmε woo na tinni, yembinε ko pe maa woo na tinni.

⁸ Εξεν fɔ, woro wo na, we yen sɔnlɔ woolo, we daga mbe we yεε yingiwε jεn. We we tagawa naa we ndanlawa pi lε woo pye paa we malaga gbɔndeere yen. We jigi wi yen showɔ mba na, woo lε woo pye paa we malaga gbɔnnjala yen†.

⁹ Katugu Yenηεle lii we wɔ li nanɔbanwa kala lo mbe to we na. Εξεν fɔ, li yen na jaa we sho we Fɔ Zhezu Kirisi wi fanηga na.

¹⁰ Wo wì ku we kala na, mbe we ta yinwege na o, nakoma we ku o, we yen na we yinwege ki piin wi ni ja.

¹¹ Ki kala na, yaa ye yεε kotogo kanni†, yaa fanηga nii ye yεε ni, paa yeγε ηga na yaa ki piin makɔ we.

*YεREWε sεnrε
naa sharaga punηgo wogo*

¹² Sefenne, waa ye yenri, fɔ mbele pe yen na tunηgo piin ye sɔgɔwɔ, yaa pe jate. Poro mbele we Fɔ wìgi kan pe yeri, paa ye yeγε sinni paa ye yeγegi we.

¹³ Yaa pe gbogo jεηγε, pe ye ndanla pe tunηgo ki kala na. Ye pye yeyinηge na ye yεε ni!

¹⁴ Sefenne, waa ye yenri, fɔ yaa kafaara pyefenne pe yeγegi! Yaa kotogo kaan mbele pe jatere wì piri pe yeri! Mbele pe fanηga kì kologo

† **5:8 5.4-8:** Laga ki laga ηga ki ni, wɔwɔ po pi yen mbatagawa, naa Yenηεle mbajenmε, naa kapege ye. *Mbe pye yanwa naa sɔnlɔ woolo*, ko kɔrɔ wo yen mbe pye Kirisi wi woolo mbege jεn fɔ, pilige ka, wi yaa ka sɔngɔrɔ mbe pan. *Mbele pe maa wɔnlɔ* poro pe yen Yenηεle kologo ki mbajenmbele wele. *Mbe koro yenηε*, ko kɔrɔ wo yen mbe cεn ki cεnwε mbɔɔn yεε yingiwε jεn. *Mbe tin sinmε ni*, ko kɔrɔ wo yen maga ka Yenηεle li jεn wa ma jatere wi na. † **5:11 5.11:** 2 Koren 13.11

wa tagawa pi ni, yaa pe tɔgɔɔ! Yaa leele pe ni fuun pe kagala ke kunni ye yɛɛ ni.

¹⁵ Ye ye yɛɛ yigi! Wa ka ka kapege fɔgɔ tɔn kapege ni! Ɛɛn fɔ, ye bala yaa kajɛŋɛ pyege ko jaa ye yɛɛ sɔgɔwɔ, naa leele pe ni fuun pe sɔgɔwɔ.

¹⁶ Yaa yɔgɔri sanga pyew.

¹⁷ Yaa Yɛŋɛɛ li yɛnri suyi.

¹⁸ Yaa Yɛŋɛɛ li shari kala li ni fuun ni. Ko Yɛŋɛɛ li yɛn na jaa yaa piin wa ye yinwege ki ni Zhezu Kirisi wi ni.

¹⁹ Yaga ka Yinɛkpoyi li figi.

²⁰ Yaga kaa Yɛŋɛɛ yɔn sɛnɛ yofɛnnɛ pe sɛnɛ ti piin faa.

²¹ Yaa yaara ti ni fuun ti taanla taanla yaa wele. Nda ka yɔn, ye to yigi jɛŋɛ.

²² Ye ye yɛɛ yingiwe jɛn kapege pyege cɛnɛ pyew ki ni!

²³ Yɛŋɛɛ na li maa yɛyɛŋɛ ki kaan, li ti ye pye lo nunɗba woolo. Laa ye kɔrosi jɛŋɛ, ye yinɗgele, naa ye nawa konaa ye wire, jango ye pye jɛɛgisaga fu sa gbɔn we Fɔ Zhezu Kirisi wi pansanga wi na.

²⁴ Yɛŋɛɛ na li ye yeri, li yɛn sɛnɛ nunɗba yofɔ. Li yaa ki wogo ki pye mbege yɔn fili.

²⁵ Sefɛnnɛ, yaa yɛnri we kan fun.

²⁶ Yaa sefɛnnɛ pe ni fuun pe shari yaa keyɛn waa ye yɛɛ yɔɔgɔ ndanlawa ni.

²⁷ Mila ye yɛnri we Fɔ wi mɛgɛ ki na, fɔ yege sɛwe ŋa wi kara sefɛnnɛ pe ni fuun pe kan.

²⁸ We Fɔ Zhezu Kirisi wi yinmɛ pi pye ye ni!

**Bibulu Jinmiire ni
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

a4863791-1c91-5f31-9a8f-034a18a2f8d8